



令集解

十九

内
一〇四二九號

ワ 3
2509
20





令集解卷第十九

善條以下一最

考課二

德義有聞謂德者得也性得高行義者宜也裁制合宜二者相須乃得爾善以下三善亦合相

須假如黃霸守尹瑞鳳集國劉昆作宰猛虎渡河之類是德也鮑永引車哭於舊君廉范下馬周於窮使類是義也釋云德義釋云各曰德者得也得事宜也人有博愛之德謂之仁有嚴斷之德為義有明辨尊卑敬讓之德為禮有言不虛妄之德為信有明了之德為智是五常之道不可變革也心動於內出則由道故道德之字恒相將也義者宜也裁制合宜也易繫辭曰理財正辭禁民非為曰義也德義相須乃得稱善以下三善亦可相須假令宋景公徙星三舍之類所謂德也臧文仲如齊告飢之類所謂義也案德義之行无所不兼其有德必有義也然則德義者寧是內外稱乎德義不相須者難又恪勤公平檢其行事各一事相須者非然下文云一最以上有四善者即知不約下三善須每事顯為善名耳穴云德義有

內一〇四二九號

聞謂衆人聞知也德義猶德也爲一物也假宋景公
徙星三舍可云德行此尚不足云德也但六德心耳
故稱此云德於聖王至德要道爲劣義宜也德義一
物耳言德行是內外稱德者六德也智仁聖義忠和
是義卽德之內稱耳故云一物也見周禮也臧文仲
如齊告飢不合云德行但令釋一端示有義耳問東
宮傳及篤道貢舉人等任職之後得德義善哉啓德
義謂賢人君子言行合法則是若不及此者不在此
例景狀論耳古記云德義曲禮曰德者得理之稱論
語云德行顏淵問子騫德者得也自得於心動於
內出則由道故道德之字文恒相將皇侃疏云五常
謂仁義禮智信也就五行論人稟此五氣而生則備
有仁義禮智信也人有博愛之德謂之仁有嚴斷之
德爲義有明辨尊卑敬讓之德爲禮有言不虛妄之
德爲信有照了之德爲智是五常之道不可變革也
釋名曰德得也得事宜也老子曰上德不德是以有
德下德不失是以無德毛詩云德輶如毛民鮮克舉
之左傳云國家之敗由官邪也官之失德寵賂章也

呂氏春秋曰宋景公時熒惑在心公問于韋對曰禍
在君可移宰相公曰宰相所與治國家也曰移於民
公曰民死誰與爲君曰移於歲公曰歲飢民必死子
韋北而再拜曰臣敢賀言天處高而聽卑君有至德
之言三天必三賞君熒惑果徙三舍助計釋名曰義
者宜也裁制事物使合宜者也易繫辭曰理財正辭
禁民爲非曰義王弼曰義猶理也太公六韜曰與人
同好同惡者義也義之所在天下歸之新序曰自公
之難是楚人有莊善者辭其母將往死之其母曰棄
其親而死其君何謂義乎莊善曰吾聞事君者內其
祿而外其身今所以養母者君之祿也身安得不死
乎遂辭而行比至公門三廢車中其僕曰子懼矣曰
懼懼則何不及乎莊善曰懼者吾私也死義公義也
吾聞君子不以私害公遂至公門刎頸而死君子聞
之曰好義乎哉者爲一善
德義不相離也者爲一善
清慎顯著 謂清者潔也慎者謹也假如楊震暗夜辭
金胡威歸路問絹之類是清也孔光與機

清慎顯著 金胡威歸路問絹之類是清也孔光與機

不語溫樹樊宏詣闕无謬鐘漏之類是慎也釋云清
慎釋名曰清者青也去濁遠穢色如青廣雅曰慎恐
也假令楊震闇夜辭金之類所謂清也阮籍口絕臧
否之類所謂慎也穴云清慎為二事也具如令釋也
二事相須也言清者不有要慎但慎者必有清耳其
楊震清慎相包人也古記云清慎清廉也釋名曰清
青也去濁遠穢色如青也濁瀆也廉斂也自檢斂也
左傳曰宋人或得玉獻諸子罕子罕弗受獻玉者曰
以示玉人玉人以爲寶也故獻于罕曰我以不貪爲
寶爾以玉爲寶若以與我皆喪也不若人有其寶家
語曰曾子弊衣而耕於魯魯君聞之而致邑焉曾子
固辭曰吾聞受人施者常畏人與人者常驕人縱君
有賜不我驕也後漢書曰羊續字興祖太山平陽人
足以合其節也後漢書曰羊續字興祖太山平陽人
也爲南陽太子常弊衣薄食車馬羸敗府丞嘗獻其
生魚續受而縣於庭丞後又進之續乃出所懸魚以
杜其意也謹慎也毛詩曰敬慎威儀惟民之則太公
金匱武王問師尚父曰王帝之試可得聞乎師尚父

曰黃帝曰弟之居民上搖搖恐文不至朝故爲金人
練緘其口曰慎言語堯之居民上振振如臨深淵舜
之居民上矜矜如履薄冰禹之居民上慄慄如恐不
滿日湯之居民上翼翼弟懼不敢息吾聞之也道自
微而生禍自微而成慎終如始
見如金城也清慎不相離者
爲一善

平公可稱謂皆私爲公用心平直假如趙武舉以私
說文云公平也韓非子曰背私爲公假如魯犯舉以
已辭祁奚薦以己子之類所謂公平穴云公平爲一
事也不被謂相須也古記云公平呂氏春秋曰晉平
公問祁奚羊曰南陽无令其誰可對曰解孤可黃羊
晉大夫祁奚之字公曰非子辭耶遂用之公又問曰
國无尉其誰可對曰午可公曰非子耶遂用之
孔子聞之曰善哉祁奚之論也外舉不避讐內舉
不避子可謂至公矣舜有子九人不與其子而授禹
至公也呂氏春秋曰昔先聖王之治天下必先公以
公則天下平矣平得於公

上志古有得天下者衆矣其得之必以公其失之必以偏偏謂私不正書稱无偏无黨王道蕩蕩言至公也古有行大公者帝堯是也得舜而傳之不私於子孫蓋人君之公夫以公與天下其德大矣人臣之公治官事則不營私處公門則不言貨利當公法不阿親奉公舉不仇讎忠於事君是之謂公也者為一善

恪勤匪懈 謂恪敬也盡力曰勤假如馮豹奏事通宵伏閣巫馬從政戴星居官之類恪勤也穴云恪勤謂開門前上開門後下即此善耳不合執令釋心也私案踰計日足二百卅日餘日之中有无故下上一日者不云恪勤耳釋云恪勤爾雅云恪敬也杜預注左傳云盡力无憂為勤假如馮豹奏事通夜伏閣巫馬當官戴星居職之類所謂恪勤也古記云恪懃也律疏議曰大將吏恪居官次夙夜在公也襄廿三年左傳云恪居官次杜預曰次舍也邵南采繁云夙夜在公鄭義云公義也四善並須衆人悉知然

後成善一得以後无所犯者永得善名但恪勤一善當年宜得不必積年之也其清慎之善當朝得人守部大夫獨也問德義之行无所不兼若得德義之善者自然得下三善以不答文云一最以上有四善者即知不約下三善者為一善

最條 義解云最總有卅二條凡最者八字相須乃得成最假如玄蕃寮雖蕃客不來猶得僧尼合道蕃客得并之最舉一以言餘准須知其方術之最以四字成假如陰陽師最占効驗多之類也釋云師說曰相須八字乃得成最依无可行之事不行者猶可得最餘皆放此假有玄蕃蕃客全无僧尼合道如此之類只備八字以為最名舉一而言之餘皆放此一云縱有四字只得最名也

神祇祭祀不違常典為神祇官之最 釋云祀典不闕最耳但依律科罪計殿降耳或說待成餘事得最者非也朱云未知餘職掌全了更亦與最不或云雖餘

職掌全行更亦不與最又祭祀不違常典者雖餘職
掌闕失猶與一最何者為祭祀之事重別更舉顯依
尤重一事與最也更亦不加除也與餘司別者何古
記云問神祀祭祀不違常典者為最於職掌攝度事
若為答諸事皆預祭祀事所以謂少副以上
稱祀為本須成諸事得最耳

獻替奏宜議務合理為大納言之最疏云大納言最
八字言落一言

者不合得最但依无可行之事不行者猶合得最餘
官皆放此耳朱云為大納言之最者則知右大臣以
上不預最例也但外記錄上日耳為給祿者貞云八
字四字兩記二可存耳穴云合理之字不預獻替奏
宣事也其右大臣以上考不合也只注上日耳假太
政官外記雖於出太政大臣以下右大臣以上稽失
不合實錄景迹功過又大臣以上愛憎任情處斷乖
理居官諂詐貪濁有狀等不合以景迹論之類也古
私記云有四字而雖无四字事可得最者既記八字
耳余條放此一云以四字亦注耳兩說大夫云以四

字注者此云亦何者若然者大平之歲醫師之最何
得注耶見无可行事年者雖无行以八事與最若有
行事已失者闕四字故除最古記云問議務合理而
不獻替奏宜得最以不答可獻替不為者不可得最
但无可為事不作者得最問有奏宜而无獻替唯可
得最未知記文之體若為答有四字而雖无四字事
可得最者既記八字耳餘條
放此耳一云以四字亦注耳

承旨无違吐納明敏為少納言之最疏云承旨謂當
事之時勅可不

之狀而不妄誤耳朱云承旨正文可求古記云問雖
奏一度之事得少納言最以不答一考之內待奏數
事乃可得最

受付庶務處分不滯為辨官之最謂少辨以上朱云
受付
庶務謂受付攝諸司并官處分事不滯者只為處分
者穴云問不滯之字受付以下承文敷答可然也又

問職員令云糾判官內謂尋常事未知此文處分不
滯廣約臨時事哉答私家凡施行文書皆自辨官出
入其中上施下滯者皆不得最大夫云受付謂文書
也處分謂事之處分古記云問不滯與不停其別若
為答一
經无別

侍從覆奏施行不停為中務之最謂少輔以上未云

一端何事可施行謂詔勅也

銓衡人物謂銓衡者銓量衡平也人物者猶云人也

云也釋云銓衡所以稱量輕重也已解近上人物者
士人之稱也諸子記傳稱有知人之鑒以為長於人
物不可具舉謂銓衡文官之內人物知其職度隨事
差充耳假如明法之吏遺覆囚使清廉之人使勘財
物之類是謂銓衡人物或釋云銓衡也所以稱量輕
重也人物美士之稱也猶劉向人物志也謂銓衡文

官之內人物知其職度隨事差充耳假如明法之吏
遺覆囚使清廉之人使勘財物之類是謂銓衡人物
也擢盡才能為式部之最謂少輔以上經進士明法

隨其才業試練定科及擬郎司人適分簡謂試取優
捨劣公正无私之類是謂擢盡才能唐令此最為選
司彼此不同何能允愜或說謂奏任以下也勅任者
非何者唐令云應選者皆責狀試練曾有犯者其注
犯由銓試訖五品以上及計階至五品者並引見此
令既除此令文明勅任者待勅裁耳也朱云銓衡人
物擢盡才能為式部之最者未知此簡定令職人中
官歟又銓衡官人中為當廣迨散位以下中銓衡哉
答為任用官銓衡散位以下中耳又官人之才可知
也問此文勅任以下皆同哉答皆同但承上宜可銓
衡具狀選叙令讀了穴云問擢盡以上番上以上相
約也哉答案兵部條稱武官然則此條亦可謂主典
以上也假如八位以上嫡子定二色及三等之簡若
定不如法者為非主典以上故尚得最之類也此條

職制律選官乖於舉狀條官人以上是也後案番上
以上也擢盡才能謂試練貢人等並依考文校知文
官才能也古記曰問銓銜人物擢盡才能其別若為
答爾雅曰好人謂之人物猶劉向人物志是凡人有
文武所能及有犯皆注附考文補官之日太政官令
式部省舉可用人則式部檢考案悉抄出文選叙令
云凡應選者皆青狀試練曾有犯者具注犯由銓擬
之日先盡德行德行同者取才用高者才用同者取
勞効多者則式部具錄可用狀中送仍
官補任耳謂之銓銜人物擢盡才能也

僧尼合道 謂合於佛道也釋云謂合僧尼令耳僧尼
謂天下皆是也朱云犯狀不顯聞常可思合道

僧尼謂天下皆是也朱云犯狀不顯聞常可思合道
古記云僧尼合道謂六時行道讀經禮拜之類也

譜第弗擾 謂治部掌本姓解部掌譜第爭訟故舉以
斷從正縱有實擾无由勘知者非者穴云

弗擾謂所爭訟能决斷從正也无由勘知者尚得最
問後年不合道及譜第擾等事發者何答不合追改

前考為非故詐得故但於事發年依常法計負殿降
耳問依發前年不合道事附當年考除最哉答然耳
自余諸司放此也私家不合得善最而詐奸得善最
者依下條追改也雖實僧尼不合道實擾譜第无由
勘知得考後其事發者不追改不又合除當年考依
例考謂故古記云譜第弗擾謂有所爭訟能决斷從
也 正為治部之最謂少輔以上

戶口不濫 謂據勘籍帳全无脫漏及冒名也釋云戶
口不濫謂不濫與上弗擾意同耳假有无脫漏冒

名而身與帳相合也穴云戶口謂家人奴婢以上皆
是也不濫謂无增減隱沒詐冒之類皆是也古記云

戶口不濫謂有稱无稱有冒名 倉廩有實 謂諸國所
別藉兩資之類能勘正不漏也

稻舉息如法令无懸欠也釋云諸國所支租稅雜稻
如法舉息使无欠懸是謂倉廩有實或有不善國司

私自隱裁而民部勘出課令推徵知此之徒非是省
過至得善最於理无妨也跡云有實謂天下出納數

皆依帳而檢知耳穴云有實謂以帳勘知令无隱詐是也凡雜稅皆是也令无奸詐謂之實也余如令釋云也古記云倉廩有實謂雖能勘稅帳倉廩无實不合得最云雖无實而勘求不漏推徵者合最也

為民部之最謂少輔以上

銓衡武官 謂知將吏之材畧備預諸非常其武舉出身隨材練擢亦是也釋云銓衡武官之將吏知其兵畧准擬非常假如擢謀之士預備將軍勇力之人名為戰卒之類又武舉出身隨能試練取舍合理明无偏頗之類是謂銓衡武官朱云銓衡武官與銓衡人物其別何答穴云銓衡謂銓擬武官任

用其職也兵衛每至滿考兵部校練隨文武所能申官堪理時務者申官處分者即知番上以上軍毅國

司簡取申兵部銓擬奏任也令釋云權謀之士預備將軍謂銓衡將軍是也古記云銓衡武官軍防

今云凡兵衛每至滿考兵部校練隨文武所能其為等級申官堪理時務者量才處分也其主典已上於

考選狀如式調充戎事

謂調習軍容充備火具也釋部耳之也

調充戎事跡云調謂調衛府等弓馬也戎事如令釋解宋云問調充戎事者京諸國皆相須為最乎穴云

調充戎事謂調習兵士衛士等也言調習陳列也充備軍器是但調習充備者本司及國司所掌去年帳

與今年相誤之屬今此以重事故為最名也問案令條兵部不掌調習陳列之而何有此最乎大夫云兵

部自石掌調習但案之衛士調習陳列并不調習者兵部勘知可降其考之而不降因斯兵部考降耳但

戎事不在此例也古記云調充戎事謂公私戎具軍防今有為兵部之最謂少輔以上

文之也

决斷不滯

朱云决斷一歟二歟古記云與奪合理云

决斷與奪一事也以不滯與合理為別也問與奪失

錯後舉原其罪未知與最以不答罪已放免得最无

令集萃

卷之九

七

妨也古記云與奪
合理斷事合法式為刑部之最謂少輔以及判事云
未知少判事以上斂答預
屬不若私少判事以上耳

謹於修置謂安置明於出納或乘并是不明也假甲

倉乘乙倉欠為不通計故尚除最也問於內藏无別
條縱不謹及不明尚得次官以上判官以下最哉答

私案為大藏之最謂少輔以上

堪供食產謂供御雜膳謂之食官田及園池所生謂

皆能堪之也朱云問堪供食產只為御食歟又催治
產者為官田歟又諸司給飲食等闕失何无

諸部謂治潔治也部所部也官內所管多是供奉之

也宮內所管多是供御飲膳之司也供御之物清潔
為先是以職掌之內舉其尤重以為最名餘皆於此

或說催治諸部謂所管諸司伴部也又贊戶之類
不可若疑後人備跡云諸部諸所管諸司皆是也催

治謂所管之諸司內供奉之物關之哉諸司人當供
奉事有失者宮內不合得最穴云本司應品嘗不嘗

及不清潔等并非堪供食產及催治諸部故不與最
也古記云治諸部謂所管諸司伴部也又贊戶之類

也為宮內之最謂少輔以上

訪察嚴明穴云訪察謂不要巡行訪察糾舉必當跡

謂亂顯為彈正之最謂忠以上及巡察朱云未知依

當理耳謂若求所由與最凡余諸司亦何興禁禮

若古記云問注巡察以上答少忠以上也

教禁斷盜賊釋云假有外國丁夫入京犯法既非所

行一種也禁斷謂他堺人盜部堺之物皆同若行盜
賊以後能獲斷決者不合除最但卅日以後獲斷者

為科罪故合除最穴云盜賊二事也余放先私記也
 縱雖能追捕尚為不禁斷也古記云問禮義與行誰
 興行答京內為京職之最謂亮以上膳為監典膳為
 百姓興行耳
 造也古記云問監造御膳若為別答監謂亮以上造
 謂典膳以上也問官員奉膳職職云知御膳若為
 別答造與知無別細言
 而辛苦之味具知耳
 淨戒無誤謂不犯食禁也釋
 此最比其職掌不可相關但以供御雜珍大膳所掌
 供御事重因為最名也跡云內膳奉膳者自合加監
 造大膳如令釋解穴云不品嘗及將雜為主膳之最
 藥至御膳所等並是不清戒故不與最
 謂亮及典膳以上穴云問女司典膳何處分答
 女司善最不文也明也別勘耳
 部統有方謂方者義方也釋云部統有方謂統率隊
 仗威儀陳列如法分配所所苦樂均平有
 義謂之有方也其少人懷土心在必歸一二逃亡何
 能割斷但為部統不合義方皆走過多者乃合除最

穴云具同義曰云余放令釋古記云問部統有方未
 知行事若為答部統有方謂統率隊仗威儀陳列朝
 廷侍衛居立知法言辭木質並分配所所苦樂均平
 如此之類謂之有方也問衛士行盜並與人鬪打及
 逃走者得為有方以不答侍衛以外盜鬪者非但奉
 勅役使不以理致令逃走者依擅興律科罪並計殿
 降考以外不合問或云役使以理衛士逃走主司不
 覺雖免科罪准國郡司以十分論降考未如此云允
 愜以不答論語曰小人懷上也今已棄懷土之心專
 乖家業之道逃散他界流離父子故國郡司為十分
 考降也其衛士辭父子訣妻子向京守衛番期已遠
 稍戀功尊親及愛念妻子孫深懷土之意豈為全無
 逃失之徒以此比彼不為允愜故不合頂考也然今
 行事或量狀降或依十分降無定例也劣隨處斷耳
 問今有判官不得部統有方之最但奉勅括捉盜人
 即所搜之內捉獲鑄錢今以此功得為最不答捕亡
 令云凡糾捉盜賊者所徵陪贖皆賞糾捉之人即官
 人非因檢校而別糾捉亦依賞例案文明知不得為

最又雖糺提非因檢校不得本司成最注考但狀注
顯送省耳何故者下條云善最之外別有可嘉尚者
省校之日皆警守无失非預其事之官人不合除最
聽臨時量定警守无失朱云警守无失者未知官人警守歟為當舍人警守
歟若穴云警守无失謂所主當人等无犯失是也
為衛府之最謂尉以上

音樂克諧不失節奏釋云禮記云文采節奏聲之飾也注曰節奏再作止進所應古

節也奏謂詠歌起舞也云云為雅樂之最謂助以上

僧尼弗擾謂合僧尼令也釋云與上僧尼合道同意

最與不若古記云僧尼弗擾謂不飲酒醉亂及不與人鬪打之類若治部雖不得最玄蕃合得最唯玄蕃不得最治部亦不合得謂遠人新至不服合道重弗擾輕故也蕃客得所謂遠人新至不服水土不習風俗有

司存檢不致令其煩濫也釋云使无抑屈是則得所耳古記云蕃客得所謂問聞情願申官處分問蕃客與夷狄若為別答蕃客稱所者兼朝聘并在京為玄夷狄等也唯稱夷狄所者不入朝聘之使也

蕃之最謂助以上

支度國用釋云野王案支充也音章移反賈明於勘

包為主計之最謂助以上

謹於蓋藏明於出納謂京國官倉蓋藏及出納其在京者土稅自檢校在外者據帳

知之釋云謂在京官倉蓋藏出納謂一云京國倉廩至應彼壞催令修理跡云蓋藏出納耳在京職倉親自知損不并知積物實但在國倉依帳知出納縱无實而不失於帳者明於出納耳又倉損不之狀推造立以來遠近加勤悟令修理耳穴云蓋謂修蓋也藏謂修置也京職出納身自臨倉勘知諸國以帳勘知

其實是也欠乘知上釋也古記云問謹於蓋藏明於
出納若為答京國庫倉至應破壞時預催令修理但
以經年數合知破壞之時為主稅之最謂助以上
其出納謂下上是也無他

調肥閑馬釋云閑馬上音胡山反周禮云天子十不
有二閑鄭玄曰每廐為一閑也無他

脫飼丁謂脫脫漏也不從戶質者是也文稱飼丁即少丁以上
是但不課之也依律計口科罪依殿降耳少丁以上

人數多者亦依律科也跡云不脫謂在寮在國皆同
但不覺增減並脫不課者科罪所殿耳但不除最也

丁謂小男以上也穴云不脫謂上下本司及在外國
皆是也增減年狀為不課亦是為脫丁也在本司馳

使逃亡亦同也在本國之逃走者縱雖逐除帳不除
最為非本司過故也在本司上下之脫漏蕃息男女

者為本司過在國之脫漏而本司不舉無由勘知得
最也私云古記云問不脫飼丁答不脫謂逃亡去并

脫漏戶口之類飼丁謂老疾小子女皆是一云文稱

訓丁即少丁以上是但老小以下依捕亡律耳若脫
人數多依捕亡律計口科罪即計殿累降准人數少
不成殿依此為馬寮之最謂助以上

慎於曝涼謂曝者陽乾也涼者風涼也釋云案曝陽
乾音蒲木反涼風涼也音呂張反或釋云

曝乾日也涼當風也無他明於出納為兵庫之最謂助以上

朝夕常侍拾遺補闕為侍從之最

監察不怠出納明密為監物之最古記云問不怠答
惑失也違也穴云

出納謂經年彼此相交無由指號者元來以後出納
監物等皆不得最耳私云出盡之日驗知承前不明

出盡之人已明察者後人得最其知倉庫令義也朱
云問監察不怠與出納明密其別何私案自心慎勤

監察不怠又明密
情耳歟明密情也

勤於宿衛進退合禮為內舍人之最古記云問進退
進退可度注云進退動靜議云進退謂行有去就趣
時為進止舍為退故云進退動靜也進退以心行為
言故舉止
解進退也

恭慎无憊容止合禮為舍人之最古記云問容止合

可觀注容止威儀也議曰容止謂兒有光華狀兒為
容停立為止故云容止威儀也容止以兒為言故傳
以俯仰解容止也此二其實有異共不得同軍防令
云凡五位以上子孫性識聰敏儀容可取充內舍人
以外隨狀充大舍人及東宮舍人問文稱舍人未知
其限答軍防令云五位以上子孫性識聰敏儀容止
可取充內舍人以外隨狀充大舍人及東宮舍人又
條云八位以上嫡子儀容端正工於書筆為大舍人
也即知中宮舍人合取白丁不在得最之例問舍人
此分番若為得最答未詳其理此條新令除而不取

仍為不
用之

職事修理昇降必當謂諸司次官以上皆得此最也

昇降謂考也古記云問昇降必當答昇降謂考是也
如諸陵司散位寮職贖司等之類不可勝計也穴云
番上考必當主典以上考不當者次官得最長官不
得最或次官假令不預考事長官一人考訖而番上
以上考不當尚次官得最為非自過故也問長官昇
降不當次官尚得最事誰時哉答長官昇降不當次
官勘知不同其事時得此最答同共連署進者共不
得最為不修職事故若雖共連署无由勘知者次官
尚得最耳假任二官以上次官而一官主典以上考
狀及考第隱微无由勘知之類是也問承前諸司更
得次官判官等之最哉答一云不合也下一最以上
謂為任二官以上耳私天文博士就此說尚與二最
也一云承前諸司又得此最以下亦如假式部丞得

考問之最及判官 為次官以上之最

揚清激濁 謂激清也言清廉之人在下第者衰而進
濁王逸注楚詞曰激感也言潔士居下等問而升上
等貪人居上等問而降下等令感其心也跡云揚清
激濁謂常有得善最之人而避近犯輕罪依殿至下
第而嘉前善仍居上等因而惡人自感耳穴云本司
昇降不當而考校之日糾問致理是云揚清激濁若
本司昇降无失考校之日无更揚激亦得此最耳凡
可嘉尚及矜並噴等之類考問所執故揚清激濁也
古記云問揚清激濁答揚清激濁謂常好人居下等
問而升上等也激濁謂貪濁之人居上等問而降下
等使自其心也激訓久會亦訓澆詩云揚之水白石
鑿鑿箋注云激揚之水波流湍 衰貶必當為考問之
最謂式兵部丞

訪察精密庶事兼舉為判官之最 職掌无闕供承善

成並同事宋云訪察精密 未知一端何私案可云也

公勤不怠職掌无闕 宋云公勤不怠與職掌无闕別

耳歟 為諸官之最 謂諸无最官皆得此最如主鈐典

何 為有一官立耳如典鑑主鈐諸長上之類穴云散五

位以上於寮得諸官之最者未知以何色為職掌哉

答雖无職掌尚與此最問上曰參朝廷所得未知上

下事何答職掌開門前上開門後下畧放此耳又得

恪勤善 无妨也 勤於記事稽失无隱為主典之最 穴云問或云公文

文字脫誤不除最者未知為是哉答然耳俱脫誤有 罪之類未究也博士先雖科罪不除最也古記云問

稽失无隱答舉問稽失耳問今有主典公文有誤一字得最以不答自非至聖誰人无過先日恭勤既成决斷罪名不是成殿不可除最也

詳錄典正詞理兼舉爲文史之最謂詳者審也典正者婉而成章盡而不汙之類是也文史者圖書助以上也釋云詳錄典

正毛詩傳曰詳審也錄記也典經也言百代常行之道也正直也國史爲體直而有經假有內亂錄云朋

潘聚烝是不典也愛奸好色是不正也惟爲不修是典正之類也文史史官也案職掌圖書助以上也跡

云典正謂直有經言直嘉而常可法則耳此爲次官以上最掌修選國史之事故也穴云具故令釋也次

官以上得此最也占記云問詳錄典正答說文典大册也野王案尚書有堯典舜典孔安國曰可爲百代常行之道也典正猶典耳此所謂國史上抄體耳文

史謂圖書寮助以上也无他

明於記事不失勅旨爲內記之最

訓導有方生徒充業謂方者道也充者滿也依學令通方者道也充者滿也釋云此

導有方孔安國注論語曰方道也生徒充業者三

年乃明一經今不必然待式處分耳其學生者學官

量宜分配博士各依已分教充是生徒充業也或釋

云方道也義也跡云充業謂一年內說授多少須待

式處分朱云若依學令可定多少乎何又爲博士之

最者音書博士等皆放此耳但國博士者下條有文

也凡番上人預得最之色也穴云問國博士條云居官不怠教導有方爲上教授不倦生徒充業爲中者未知此條教授不倦生徒充業若有殊哉答下條立三等考第故兩種生文但於此文生徒充業者皆爲訓導有方充業謂生徒示充業也音亦同得此最也書博士不見文也問充業未知行事若爲答一云在別式一云學令所立以是爲限耳兩說諸寮博士有習經業者皆約此一爲准大學生私云也私案學

今隨當年講授多少為考課等級者又講者讀者一
旬所被試亦條有明文然充業合學令者與最耳為
長古記云問得博士最有限以不答有生博士皆得
此最无生者得善不得最也別勅才使長上亦同問
有方答孔安國論語注為博士之最
云方道也訓以義方也

占候醫卜 謂陰陽曰占天文曰候療病曰醫灼龜曰
灼龜曰卜其記最之體占師効驗得七之最一云卜
効驗者得七之最以下放此跡云占効驗多如此注
合與最不得記八字之說穴云問占筮相地何答界
交通計為十分耳又問占為勅問數為當廣為諸司
公事問數答為公事占筮相地皆是本司實錄耳為
私人者非也候博士充業之最兼得耳問假候云來
年有災祥云云是未然事而未効驗如此之類何處
分答當年最依例與了於後年若不實者以不實年
除最哉具上條解了也醫謂侍醫及醫師俱是也大
平年无病者尚與最凡自餘諸最若无行事年尚注

八字與最也私案針案摩咒禁等師亦放醫師也古
記云問占候醫卜答占謂陰陽師也候謂天文師也
醫謂藥師也卜謂卜部長上也在下部之中也問記
文之體若為答卜師効驗得七之最一云占者効驗
得多之最一云占者効驗者得七効驗釋云効猶呈
之最以下放此耳筮者同上耳 効驗見也音胡教
反穴云効猶多者十得七為多 釋云周禮云危邦之
呈也如見也 有疾病疔瘍者造焉
則使醫分而治之歲終則稽其醫事以制其食十全
為上十失一次之十失二次之十失三次之十失四
為下注曰疔頭瘍亦謂禿也身傷曰瘍分之者醫各
有能也食祿也全猶愈也以失四為下者五則半矣
或不治自愈也穴云當年効驗摠有六者尚得最但
不被云十得七耳私案七以下之內有或平或不平
者以半分加二分准量可與最也朱云十得七為方
為多或云率此文五得四為多未明此說不許為方
術之最 釋云鄭玄注禮記
曰術道也藝也

推步盈虛 謂步猶尋也推步絃望晦朔以為曆是也
進退也釋云鄭玄注尚書大傳曰步推也盈虛謂日月
月五星之度數也疏云步推也穴云盈虛謂月之入
謂之盈小謂之虛古記云問推步答尚書大傳大禹
步于上帝鄭玄曰步推禹推天道觀政得失盈虛謂
日月五星之度 究理精密為曆師之最 穴云月日刻
數二卷具說也 密問曆得充 業最哉答

市廛不擾奸濫不行 謂男女肆別貨食區分是為市
得其情是為奸濫不行也釋云市廛弗擾男女別所
食貨分區之類是謂弗擾廛市內空地也音直連反
為惡道耳古記云問市廛弗擾奸濫不行若為答賣
查廛不賣冠男女不交居謂之弗擾也雜律曰不率
不真謂之濫又條云販鬻之徒共為奸計自賣物者

以賤為貴買人物者以貴為賤更出開閉之言其物
共限一價望使前人迷謬以將入已者謂之奸也
為市司之最謂佑以上

推鞠得情申辨明了 謂鞠者窮罪也了者了別之義
安國注尚書曰鞠窮也說文家治罪人也從革從勺
從言也得情者會子曰如得其情哀矜勿喜是周禮
曰以叙聽其情注云情爭訟之辭也或釋云鞠窮罪
也音舉竹反申辨錄罪人辨辭於判事並大少輔所
自讀申也古記云問得情答論語注曰為解部之最
禮儀興行戎具充備 謂此唯為太宰府及筑前國其
普及管內諸國也戎具貯庫兵器及諸國軍團兵士
調度之類府監者得國掾之最也穴云問禮儀者據
職員令所部內歟為當廣迨九國三嶋歟答九國三
嶋禮儀及戎具耳問然帥巡行者一人何能得以春

時巡九國盡巡教擁乎答此附諸條可定假九國三
鳴增益戶口勸課田農等事若通計九國不道如此
之類可勘定也古記云問禮儀
有限不答普知別國禮義耳也為太宰之最謂少貳
以上

強濟諸事肅清所部謂盜賊不起之類也假令盜賊

也釋云肅清所部鄭玄注禮記曰肅嚴急之言也假
有兩人諍訟決斷合宜及部內盜發掩捉不漏如此
之類亦是肅清耳案卅日內補者律免罪是可得最
卅日外獲者不可得最攝津職同國最也古記云問
肅清所部答賊盜律云凡部內有一人為盜及容止
盜者里長笞五十三人加一等界內有盜發及殺人
者一處以一人論注曰一處盜發同部內一人行盜
一處殺人仍從一人強盜之法又云國隨所管郡多
少通計為罪各罪止徒一年強盜者各加一等卽盜
及盜發殺人後卅日捕獲主司各勿論注云部內有

人行盜乃當境發若部內人殺他人及境內人被殺
事發後卅日自捕獲并他人捕獲主司並得免罪也
今此條雖得免罪為不肅清所部故可除最為國司
唯人數多者依減損戶口條併計累降耳也為國司
之最謂介以上

无有愛憎供承善成謂太宰監亦得此最也釋云供
承善成廣雅供奉也音居庸反

鄭玄注禮記云承猶事也為國掾之最

防人調習戎裝充備釋云毛詩傳戎兵也案裝行裝
也音則亮反謂防人隨身兵器
也古記云問防司最戎裝充備又太宰最戎具充備
又兵部最調充戎事以上三事其別若為答兵部太
宰一種但防司謂防人隨身兵器也若初任為防司
太宰雖未充戎具課造如法仍得為最也
之最謂佑以上

譏察有方行人无擁爲關司之最

謂譏者問也關司謂依軍防令國司

分當守固是也釋云譏察有方廣雅譏問也有方釋見上注行人无擁左傳道路无雍野王案雍猶塞也字在土部陸法言切韻擁手擁也擁與雍音相涉并音於瀧反關司謂軍防令國司分當守固也案目以上也或釋云擁雍同音所以相涉耳雍障也宋云譏察有方者未知一端何古記云譏問也推也關司軍防令云其三國關者設鼓吹軍器國司分當守固所配兵士之數依別式也國司謂目以上也

一最以上

謂神祇少副以上得神祇祭祀不違常典及職事修理昇降必當最之類故云以上

也釋云式兵部丞有考問之最判官之最國司有關司並國司之最少納言有侍從並少納言之最故云以上也古記云問一最以上若爲答式兵部丞有考問最又有判官最其三關國得國最關最之類也
有四善謂凡善者必待衆知然後乃得爲善即一得
以後其行不渝者永得其善名但恪勤善者

不必天然雖是凡庸自強可得故隨狀昇降即在當年也釋云凡四善者必得衆知然後稱善一得以後其行不移者永得善名就中恪勤一善不必天性爲雖是庸自強可得故隨狀昇降各在當年耳也

上上

公問下文云若於善最之外別有可嘉尚者省校日聽臨時量定者未知有四善一最之人若

有可嘉尚者與上上考之外別加嘉尚之分哉又至成選日有進階哉答考至上上者无所可加故不可狀更加進但附考狀耳至
一最以上有三善或无最
選日亦加階不見也

而有四善爲上中一最以上有二善或无最而有三

善爲上下一最以上有一善或无最而有一善爲中

占記云問有一最一善別有過若爲答有過无可得最之理一云若不足除最過者得最耳問有一最一善兼別有可嘉尚若爲答以一最一善與一最中上即別須功狀注顯省校之日量進耳

以上或无最而有一善為中中穴云問无最而有一善一端何答清慎之

人若有无最分耳但公平並恪勤人必有最耳編云
有秋賦耶私案此說為非何者文曰无最有四善故
假恪勤之人職事粗理者此别下文云无最有一善
矣然則无最有四善者有如此耳朱云問最與善何
為貴若為等乎何者文云一最以上或无最而有一
善為中中故也更案善可為貴何者上文云一最以
上有一三善或无最有四善為上中然則有四善人雖
人无一最猶為上中无一善人雖有數最尚為中中
故也古記云問有一善者有職事粗理職事粗理
哉答職事粗理以下之人无可得善職事粗理
野王案粗畧善最弗聞為中下弗聞人無愛憎而處
耳音徂古反善最弗聞為中下弗聞人無愛憎而處
斷乖理者為中下穴云問職事粗理善最不聞義未
知其義答雖无最除最之外餘事修理即此粗理最
不聞古私記云職事粗理以下之人无可得善不安
又四善之人可有犯私罪故下云當上上考者雖有

殿不降注云謂非私罪者則知私罪亦有耳古記云
問中下以下之人依行事下歟以殿降歟答依行事
並殿降愛憎任情處斷乖理為下上處斷乖理此一

事跡云或有善最人愛憎任情而處斷乖理仍為下
上穴云愛憎任情依此處斷乖理一等也古記云問
愛憎任情處斷乖理背公向私職務廢闕為下中釋
一歟二歟答一種也背公向私職務廢闕為下中釋
以背公向私一事為下中則以八字為注耳一云八
字此一事一云最條以四字得最故四字在者亦注
四字耳為實錄故也跡云背公以下者假令合會著
到則起私家之人耳朱云背公向私職務廢闕為下
中者未知雖背公向私不職務廢闕色可有不答穴
云背公向私依此職務廢闕一事也古記云問背公
向私職務廢闕答私使直丁等合治產業之類其背
公向私必須職務廢闕乃與下中一云不相須凡最
條上四字在者得最今此條上四字在亦下耳諸條
皆放此耳但記文者得八字記亦得記四字耳唯上

下之字相交者為中也中字居官詔詐及貪濁有狀
相交者為中下耳也元他
謂八字不相須故隔句以及其六賊一尺以上入已
者皆是貪濁即盜不得財亦為下下也釋云詔諛也
音刃琰反事不相須故斷章以及餘皆放此有狀謂
犯賊一尺以上也
狀何者律云狀謂殺人之類得狀為驗故也跡曰詔
詐謂不必有賊假有戶令云詔諛求名之類貪濁有
狀謂縱得賊量其景迹无貪濁之情者非若此二色
人縱星出星入何得稱恪勤哉故縱雖有善仍合居
下下等監主詐欺未得或盜不得財等量其狀令居
下下也朱云先記云問詔詐及貪濁有狀其別如何
答詔詐謂言詐是也貪濁者取財是也穴云居官詔
詐一事也問有狀未知其義答六賊一尺以上皆是
也假計庸賃為賊雖非見賊量情尚是貪濁也又私
役使直丁尚為下下為計賊科罪故不合處背公向
私下中也問唐令云雖不滿一尺情貪濁者尚為下
下未知依放哉答然耳假盜不得財擅賦歛人私等

雖不入財已遂此枉法賊仍為下下入官坐賊論不
在此例也自餘入私縱咸雖无罪色准此附考耳詐
未得者依詔詐之文其不滿一尺之會赦時依勅斷
條釋也不得財者不被言有狀也後讚云雖賊不入
身皆是盜不得財皆同問下下等色未獄成會赦及
自首全免者何答依常善最為考耳假恪勤人飲酒
坐而犯受所監臨一尺不可有善最若赦及首者放
免而依常實錄與考耳依勅斷條合講也勅斷條或
述云木犯私罪斷徒以上被恩免當年考應居上者
准殿降之但不得降至下第者獄成未獄成并約之
如此云者若會赦者本犯私罪斷徒以上可有降色
不降色但於首者如說問此條詔詐求名及貪濁有
狀並愛憎任心等之類若會赦降者如何答師云任
勅斷條案耳也問下下以上人有增益戶口勸課田
農者何答依例進加耳師云中下以下人有可嘉尚
不在加限何者文云善最之外者明有善及最人之
有可嘉尚耳者此說不安後可檢勅斷條恩前獄成
以景迹論降考奪祿等若有功者不合然也更案文

云犯私罪下中公罪下下並解見在謂以功過昇降
訖見所在罪下中下下是縱以景迹論下中下下以
功累加可上第者處上第但是依異功所進之第矣
豈何若煩最乎又同條云不在考校之限六箇之字
只著除免官當不及上文考事可知耳後案私罪下
中公罪下下解見在故更不加餘功又愛憎任情處
斷背理下上此上條私罪下上雖有上下從下考故
亦不加功但中下以上乃累加諸博士同了更案上
中以下率一殿降一等今有過者既定等第了其上
降考然則有功者亦定等第了其上乃昇加自非除
免官當者必可考校故也有狀謂譬猶得狀為驗也
古記云問居官諂詐及貪濁有狀其別若為答文稱
及字即知二事居官諂詐其人以諂詐為宗耳貪濁
有狀其人性貪濁耳諂詐與貪濁不相須有一箇為
下下問依心性下歟以殿降歟答文稱有狀即明計
風降可云也一云量心為下下也不須必成殿也問
量心為下計殿至下若為抄狀也答皆注貪濁諂詐
耳問以功居上上者若為抄狀也答以功居上者依

行事可注不合與四善也問計殿至下既注貪濁之
字以功居上若為不與四善也答以此論彼皆為不
便宜以功過至下下者依行事合為下下若於善最
之外別有可嘉尚釋云左傳杜預注曰尚上也王逸注楚辭曰尚舉也音時亮反又章
亮反別有可嘉尚謂職掌外所作可稱耳故注別紙
申式兵部合昇降耳跡云別有可嘉尚謂勸課田農
加戶口加教授之類如此事本司不定等第而直顯
注功狀申送省省校日量定也穴云善最之外別有
可嘉尚謂假格後勅百官以俸料充用軍事此等也
其獲盜賊附考國郡司解經義兼加教授下條增益
戶口等此並行職掌及肅清所部也不被云嘉尚令
釋云職掌之外是也問上條有功應進與此條嘉尚
有別哉答不合別上條有功之處嘉尚事亦約耳此
所謂考問之最並私案古記云問別有可嘉尚答官
人往鄉裏見他人鬪打能捉繫以送官司之類一案
格後勅下條十四卷云勅旨京官文武政品已上壹


仟貳佰貳人表請內外官各出壹月俸料錢供軍其
无俸料精請准徃例節級處分者卿等情切奉公志
存憂國請申私俸式助軍機備覽所陳深以嘉
尚今依來奏以遂羣議其蕃官不在此例也
雖成殿釋云犯罪贖銅十斤曰殿假如漢書所
可矜謂為人寡尤而邂逅犯罪者也古記云問及罪
犯罪成殿情狀可矜也答其為人常鮮過失邂逅
殿之類或雖不成殿而情狀可責者謂論其所犯雖
不悔數有愆失者也釋云謂其為人景迹常惡所犯
不至殿古記云問或雖不成殿而情狀可責也答其
為人景迹常惡計所犯不至殿之類跡云情狀可矜
或可責謂揚清激濁之處已解訖朱云問或雖不成
殿情狀可責者其意何答依犯實狀可注附負殿數
但量景狀降考耳者穴云可矜可責並是揚清激濁
也考問之日宜量定也假天性清慎而依同司有私
曲連坐而成殿此可矜之類更犯頻犯數度而尚答

罪而不至殿之類此情狀可責省校日皆聽臨時量
之類如不直黜不到也無他
定朱云未知昇降階數令有文立為當省
注定階數何答階數不見也省所定耳

令集解卷第十八

弘長元年四月廿五日於龜山殿宿廬見合本
書畢近日可有仙洞如法經事予奉行之間委
不畢見此卷政道至要也可抄出

中宮大夫藤在判
同三年九月廿一日於同所重加一見畢今日
評定之次可有五位藏人延尉佐所望輩沙汰
畢仍見
此卷



建治二年四月三日引合正親町本校合畢

慶長四年五月十三日課少內記賢好令校合

吏部清原秀賢

寬永十一年林鐘課少外記生職令校合畢

中原職忠

